

Isto non es plus utopic o irrealisable que le introduction del hebreo in Israel, si existe un forte motivation.

Pro le populos de Africa e de Asia le studio de Interlingua significa le plus grande advantages.

Interlingua es un clave (key/Schlüssel/clé) al linguas occidental e de accesso a textos technologic. E Interlingua es pro illes le base ideal pro studios plus profunde de un o plure linguas occidental. Le litteratura in le linguas occidental remane de importantia vital pro lor developpamento economic.

Le Constitution del UE - le version complete - es publicate in le lingua international per le Universitate de Granada in Espania e un equipa de traductores organisate per un finnese.

Vide <http://www.interlingua.com/node/417/print>

Le successor de IALA, Union Mundial pro Interlingua, invita vostre cooperation in diffusion e application practic de iste instrumento de communication - le latino moderne!

**Solmente un question es essential:
Esque vos comprende Interlingua?**

Visite le paginas:

www.interlingva.cz

www.interlingua.com

www.lulu.com/shop cercar: Interlingua

INTERLINGUA

se presenta

Interlingua non es un lingua artificial, ma un registration del vocabulario international de facto existente de origine greco-latin, que constitue le hereditage linguistic commun a tote le linguas occidental. Le structuras commun forma un grammatica minimalisate: solmente un articulo indefinite un. E solmente un articulo definite le. Nulle congruentia inter substantivo e adjectivo. Nulle desinentias personal del verbos.

Attention: Interlingua non es Esperanto!

Interlingua es elaborate per linguistas professional.

Post un quarto de seculo de ricerca, IALA (International Auxiliary Language Association) ha publicate in 1951 le resultado. In le preparationes theoretic participava linguistas como Otto Jespersen, Charles Bally, Albert Debrunner, Alf Sommerfelt, Jean-Paul Vinay e André Martinet e su successor como director de ricerca dr. Alexander Gode, fundator del American Translator's Association, ATA.

Interlingua es le expression linguistic del universalitate de scientia e technologia e scientistas, primarimente medicos, immediatamente ha comenciate publicar summarios in magazines specialisate e in congressos medical.

Interlingua profita al maximo del diffusion global del idiomas occidental e es utilisabile nunc sin attender adoption official.

Le 600 milliones de romanophonos e le educatos inter le multe milliones de anglophonos comprende textos in Interlingua quasi sin studio. E tote le alteres qui non ha linguas romanic o anglese como linguas maternas continuara a provider nos professores de linguas con nostre pan quotidian. Ma con Interlingua como prime lingua in le scholas le ressources pro le instruction de linguas moderne sufficera pro studios non solmente del lingua importantissime anglese, ma de multe altere idiomas, mesmo illos que hodie es "exotic": chinese, japonese, arabe - linguas fascinante, ma difficile! E pro le linguas traditional probabilemente le tempore sufficera pro studiar plus profundamente lor litteratura e cultura: Studia le anglese pro Shakespeare, le francese pro Racine, le polonese pro Mickiewicz, le hungaro pro Petöfi!

Irrefutable es le valor propedeutic de Interlingua.

In le instruction de linguas Interlingua offere un via rapide al vocabulario international (p.e. in gymnasios svedese isto ha essite un subjecto independente) e excellente preparation pro le studio avantiata del anglese e del linguas romanic e del latino classic.

Le politica linguistic del Union Europee!

"Cata europeo debe apprender duo linguas estranier!"
Selection libere? Esque un bulgaro pote selectionar romaninno e greco? Un tcheco - germano e le hungaro?
In principio si. Ma si non un del linguas selectionate es

un lingua preferite per omnes, le resultato non es communication inter tote europeos.

Un lingua neutral es necessari.

Non tote le expensas gigantic del UE pro interpretation e traducciones es necessari e le situation "babelic" in le Parlamento es un del causas del attitude negative de 50% del europeos. Un altere es le enorme privilegio del naciones dominante de poter parlar e exprimer se per lor proprie linguas. Interlingua es plus o minus familiar a tote europeos, de facto le denominator commun de nostre linguas.

Interlingua es un lingua vivente per le definition que illo ha un communitate, benque non grande, de usatores in "diaspora" in tote le mundo.

In iste lingua on discute, scribe libros, se ama e - occasionalmente - se odia. Le evolution del vocabulario es constante, crescente secundos le besonios del usatores super le firme base del principios de formation de nove vocabulos: cata parola debe existir in al minus tres del linguas-fontes anglese, francese, italiano, espaniol-portugese.

Introduction realistic?

Un lingua global non es realistic in nostre epocha: le eradication del analphabetismo p.ex. ha plus alte prioritare. Ma il ha passos possibile: Interlingua como prime lingua estranier in le curriculos de tote le scholas de Europa pro relationes practic.